

Nxavo wa Hundziso: Milombiso ya le Ndzeni ka Ntlawa

Tshwane, 17 Sunguti 2023 - Vukorhokeri bya Xibalo bya Afrika-Dzonga (SARS) byi humesile noti ya nhlavutelo leyi thyiweke “DETERMINATION OF THE TAXABLE INCOME OF CERTAIN PERSONS FROM INTERNATIONAL TRANSACTIONS: INTRA-GROUP LOANS” leyi nyikaka ndzetelo mayela na leswi SARS yi nga ta kumisisa xiswona nxavo wo ringana eka milombiso ya le ndzeni ka mitlawa. Noti yi tlhela yi nyika ndzetelo eka switandzhaku swa muhakelaxibalo loko ntsengo wa xikweleti, nxavo wa xikweleti kumbe loko haswimbirhi swi nga ringani.

Nxavo wa hundziso i nxavo wo anama laha tinhundzu kumbe vukorhokeri swi cincanaka exikarhi ka mavandla. Nxavo wa hundziso hi woxe wu kahle kumbe a wu kahle, i xilaveko lexi nyikiweke xa leswaku mavandla ma thiransakita kun'we. Eka xiyimo xa xibalo, nxavo wa hundziso wa vilerisa eka swiyimo laha mavandla ma tirhisaka nxavo wa hundziso ku fikelela mbuyelo wa xibalo wa kahle swinene. Leswi i xivilelo xo karhi eka tithiransakixini to tlula mindzilekani exikarhi ka mavandla lama xakelanaka tanihileswi swi nga olova ku tirhisa nxavo no endla xipfuni eka vulawuri byo hambana bya xibalo. Leswi swi fikelerisa eka vulawuri bya xibalo leswaku byi nga amukeli mali ya tiko ya xibalo leyi byi faneleke ku yi amukela hi mfanelo.

Nawu wa Xibalo xa Malinghena wu na xiyenge xa 31 lexi lavaka leswaku nxavo wa hundziso wa tithiransakixini to karhi ta misava exikarhi ka vanhu lava hlanganisiweke kumbe mabindzu lama hlanganisiweke ku vekiwa eka nawu wo ringana loko ku kumisisiwa malinghena leyi hakerisiwaka xibalo. Wu tlhela wu vula switandzhaku swa xibalo loko nxavo wu nga ringani. Nxavo wo ringana i nxavo wo anama lowu jikajikisaneke eka makete wo pfuleka exikarhi ka muxavi loyi a tsakelaka na muxavisi loyi a tsakelaka.

Yin'we ya tindhawu ta swivilelo leyi faneleke eka nkanelo yi xakelana na nxavo wo ringana eka nxavo wa milombiso ya le ndzeni ka mitlawa, xikombiso, lombiso wo tlula ndzilekani exikarhi ka tikhamphani eka ntlawa wa tikhamphani ta tixakanyingi. Nxavo wa milombiso ya le ndzeni wu katsa nhleketo wa ntsengo wa xikweleti na nxavo haswimbirhi. Lombiso wa le ndzeni ka mitlawa a wu ta va wu vekeriwile nxavo wo

hoxeka loko ntsengo wa mali ya xikweleti, nxavo wa xikweleti kumbe haswimbirhi swi tlurile mpimo loko ku fananisiwa na ndzingano.

Kwalaho swi tshama swi ri swa nkoka swinene leswaku eka tithiransakixini tin'wana na tin'wana ta le ndzeni ka ntlawa nawu wa ndzingano wu landzeleriwa hi lava nghenelelaka eka thiransakixini yaleyo. SARS yi ta tirha hi matimba ku sirhelela nkwama loko mavandla ma kumekile ku va ma tirhile hi ku hambana eka nawu lowu. SARS yi tsakela ku hlohlotela vahakelaxibalo hinkwavo lava tsakelaka vuxokoxoko byo engetelela eka endlelo ra SARS ku burisana na noti ya nhlavutelo leyi humesiweke. Tikhamphani leti welaka eka ndhawu ya xiyenge xa 31 ti fanele ku va ti ri na pholisi ya hundziso leyi pasisiwile leyi landzelelaka nawu wo ringana no va eka xiyimo xo kombisa vulandzelelanawu byebyo naswona pholisi yi tirhisiwile kahle.

Mayelana na vuxokoxoko byo tala u komberiwa ku tihlanganisa na SARSMedia@sars.gov.za